

ملحق الدراسة

آخر قطره دماء

إعداد

الباحثة / شيماء أشرف أحمد عليوه

الشخصيات:

الأب محمود في أوائل الخمسينات

الأم هالة في منتصف الأربعينات

البنات ياسمين مرحلة الثانوية الصناعية

مريم

ساره

أحمد

كريم

منى

الممرضة ١

الممرضة ٢

المشهد الأول

أحد ممرات غرف العمليات في المستشفى

داخل غرفة عمليات حالة ولادة ياسمين

محمود : يارب جيب العواقب سليمة

المرمضة : متخفش يا أستاذ هتكون كويسه هي أول مرة ولا أيه

محمود : لا ياستي مش أول مرة أنا خايف عليها أنا خايف منها

المرمضة : خايف منها إزاي يعني

محمود : إنتي هتقفي تتسايري معايا ولا أيه

المرمضة : أنا قصدي أطمئك

محمود : عاوزه تتطميني بجد

المرمضة : أيوه عيني

محمود : عرفيني إلي في بطنها ولد ولا بنت

المرمضة : ولد ولا بنت إلي يجيبه ربنا كله كويس

محمود : يا ستي مقولناش حاجه بس لازم أعرف أصل بعيد عنك أنا مجبش خلفة البنات خلفه تجيب العار

المرمضة : يا ساتر حد ميحبش البنات دول احلا حاجه في الدنيا

محمود : أنا يا ستي مجبهمش ومجبكيش إنتي كمان ويلا شوفي إنتي رايحه فين

المرمضة : دا أيه أصله دا

المرمضة ٢ : مبروك يا أستاذ جات بنت الحمد لله قامت بسلامه

محمود : (في حالة من الغضب) إنتي بتقولي أيه لا لا إنشاء الله كلامك مش صح

المرمضة : بنت والله وزى القمر كمان ربنا يخليها لك متنساش الحلوة بقا

محمود : (حالة من الهدوء) عرفوها إني مشيت ورايا شغل كثير بعد إذنكم (يغادر)

(المرمضين في حالة من الاستغراب)

المشهد الثاني الممرضين حول الأم هاله

المرمضة ٢ : ألف مبروك ربنا يخليها لك زي القمر ما شاء الله

المرمضة ١ : شبهك بظبت ألف حمد لله علي سلامتكم

هالة : الله يبارك فيكي الله يسلمكم يارب آمال فين محمود جوزي

(الممرضين في حاله التردد)

المرمضة ٢ : الأستاذ محمود مشي عشان عنده شغل ضروري بس قبل ما يمشي أطمئن عليك طبعاً

هالة : كنت عارفه أنه هيعمل كدا

المرمضة ١ : متأخذنيش في السؤال يعني هو أستاذ محمود كان مضايق منك في حاجه

هالة : لا مضايق منها

المرمضة ٢ : منها مين قصدك (تشاور علي البيبي)

هالة : أيوه قصدي عليها محمود مكنش عاوز يخلف بنت

المرمضة ١ : طب وهو كل الفترة دي ميعرفش

هالة : لا يعرف أنه ولد أنا معرفتوش لأنني لو عرفته كان نزلها

المرضة ٢ : يوووه يوووه للدرجادي

هالة : واكثر كمان وكويس أنه مشي ربنا يستر لما أروح البيت

المرضة ١ : ليه كدا دا حتي البنات نعمة ورزق متزعلش نفسك بكرة يحبها اكثر منكم كلكم

هالة : (تنظر لل بنت) يااارب يا ابنتي يارب

المرضة ١ : زي القمر ما شاء الله هتسميها

هالة : هسميها..

المشهد الثالث

المنزل

محمود : (يعود من العمل) هاله هاله إنتي فين

هالة : أنا هنا يا محمود في المطبخ

محمود : مطبخ إنتي مش هتخرجي منه أبدا

هالة : هخلص وجايه حالا

محمود : لا يا ستي خلاص خليكي

هالة : أنا جيت أهو يا محمود محتاج حاجه

محمود : أيه ريحتك دي يا هاله

هالة : (تبدء في شم نفسها بتردد) تبده في شم نفسها)

محمود : ريحه البصل و التوم والقرف دا أنا داخل أنام

هالة : (في حالة من الحزن) حقك عليا أنا آسفه حالا و الأكل هيكون جاهز

محمود: ماشي هروح أغير

هالة: (تبدء في تحضير الأكل) ويبدء محمود ب الأكل

هالة: أيه رأيك في الأكل

محمود : ماله يعني ما أهو زي أكل يوم

هالة: عجبك يعني

محمود: فيه أيه يا هالة ماله الأكل

هالة: يا أخي حس علي دمك بقا أنا من صباحية ربنا مقعدتش علي رجلي من المطبخ البيت للمدرسة حس

علي دمك بقا يا أخي وقول كلمة حلوه أيه أنت مبتحسش أنا زهقت وقرفت من العيشه دي ياسمين : (تخرج من

غرفتها علي صوت هاله وتشاهد الأحداث)

محمود : (يقوم بصفع هاله بشدة) إنتي اتجننتي صوتك يعلي عليا

هالة: أنت بتمد إيدك عليا

محمود : واكسر عضمك كمان (ويبدء في ضرب هاله أمام أعين ياسمين ألتي تبده في النزيف من شدة

الخوف وتسقط أرضا بيشاهدها الأم ويتوقف وتجري الأم نحوها تحاول ايقظها) منك لله حسبي الله ونعم الوكيل

ملناش غير ربنا يا بنتي (تبقي بجانبها ليل حتي تكون أفضل)

(في صباح اليوم التالي يعم الهدوء)

محمود : هالة إنتي فين يا هالة (ويبدء في البحث عنها يحاول التواصل معاها هاتفيا لالكن الهاتف مغلق) يا

تري راحت فين

ياسمين : ماما فين يا بابا

محمود : ادخلي أوضتك يلا

ياسمين : تذهب ل غرفتها وهي تبكي

(ثم تذهب ناحية النافذه وتحاول الصعود لكنها تسقط علي الأرض)

المشهد الرابع

بعد فترة من الزمن وعدم عودة الأم

ياسمين : بابا أنا جيت يا بابا

محمود : حمدالله علي السلامه كنتي فين

ياسمين : كنت بجيب الشهادة

محمود : في حالة من اللامبالاة) أها وعملتي أيه

ياسمين : جبت مجموع حلو جبت ٨٥ %

محمود : نعم جبتي كام تعملك أيه الدرجة دي السنه إلي فاتت كانت ٨٠% ودلوقتي ٨٥% عاوزه تطلعي أيه

كاشير في سوبر ماركت ولا تشتغلي في محل بقاله الدرجات دي متنفعش أبدا اسمعي إلي بقولك عليه إنتي من

دلوقتي لحد ما سنه تالته دي تخلص متقومش من علي الكتاب إنتي هتدخلي هندسه زي بنات عمك

ياسمين : بس أنا مش عاوزه أكون كذا يا بابا أنا مش عاوزه أكون زي حد

محمود : وإنتي تفهمي أيه انتي وبعدين انتي تطولي تبقي زيهم دول أنصف وأحسن منك أيه تسريحه شعرك دي

وأيه منظرك دا كلك زي أمك الخالق أعوذ بالله

ياسمين : لو سمحت يا بابا مقولش علي ماما كذا

محمود : إنتي هتعلميني أقول أيه ومقولش أيه كمان

ياسمين : مش كفايه إنك خلتها تمشي وتسبنا

محمود : وكلمه كمان وهخليكي تحصيلها يا ياسمين روعي غيري تسريحة شعرك دي وأعملي أكل وروقي البيت

أعامك جايين يتغدو عندنا

ياسمين : (تبدء في البكاء) وتذهب ل غرفتها وتخرج آله حاده من حقيبتها وتفكر في الانتحار ثم تأخذ نفسا

عميقا وتخبء الآله الحاده ثم تنظر إلي السماء) بعدها تبدء في ترتيب المنزل للحضور ثم تمسك هاتفها

ياسمين : الو كريم

كريم : ايوه يا ياسمين

ياسمين : وحشتني

كريم : إنتي اكتر أيه أبوكي عمل معاكي أيه أكيد فرح

ياسمين : هو اها أكيد فرح

كريم : مال صوتك

ياسمين : لا تمام مافيش حاجه

كريم : طب أيه مش هنتقل بقا ولا أيه

ياسمين : نحتفل يعني نعمل أيه

كريم : نخرج

ياسمين : إحنا مش اتكلمنا في الموضوع دا قبل كذا

كريم : وبعدين يعني يا ياسمين عشان أشوفك أفضل واقف قدام الدرس كذا عشان بس أشاورك

ياسمين : يا كريم افهمني أنا مينفعش اقبالك بابا لو عرف هيعمل فيا أيه دا ممكن يقتلني وبعدين أنت عاوز اهز

ثقتة فيا

كريم : طب ما إنتي بتكلميني دلوقتى وهو ميعرفش
ياسمين ؛ تصمت للحظات (نتقابل امتي)

المشهد الخامس:

المنزل: يبدء الضيوف في الدخول

محمود : أهلا أهلا يا أولاد

ساره : أيه الريحه دي يا عمو هي ياسمين مش بتتضف ولا أيه

محمود : في الحقيقة أنا معرفش هي كانت بتعمل أيه

مريم : الا قولي يا عمو هي فين صحيح

احمد : أكيد في درس ربنا يعينها تالته ثانوي دي صعبه جدا صحيح يا عمو ياسمين عاوزه تدخل أيه

محمود : هندسه

احمد : تفكير كويس أوي

محمود : لا هي في الحقيقة مفكرتش أنا اللي فكرت

مني : قصد حضرتك أنها مش عاوزه هي أصلا تقدر علي مجموعهم

ساره : أهي المهندسة ياسمين جت أهي

محمود : إنتي أيه الي أخرك لحد دلوقتي

ياسمين : أهلا يا بابا أنا مكملتش ساعه تحت

محمود : كنتي فين

ياسمين كنت بسأل علي زميله ليا

محمود : جدعه أوي إنتي يلا أدخلني ذاكري لحد ما أنه عليك تحضري الأكل

ياسمين : طب ممكن أقعد معاكم شويه بس

محمود : أنا قولت أيبيه

ياسمين : تغادر ل غرفتها

أحمد : ليه بس كدا يا عمي مينفعش تعمل كدا ب الأخص قدامنا

محمود : أسكت يا أحمد أنت متعرفش هي مغلباني اذاي

أحمد : مع أحترامي ليك يا عمي بس بارضو مش كدا

مني : أنت مالك يا أحمد باباها وعاوز كدا

ساره : عندك حق والله يا بنتي

مريم : عاوز تصالحها أنت صالحها

أحمد : طب ايه رأيكم بقا أنتم اللي هتصالحوها ويلا علي جوا

مريم : لا انت بتحلم

أحمد : لا مش بچلم ويلا فعلا عشان عاوز أتكلم مع عمي في كذا حاجه

ساره : دا أيه اصله دا (يغادرون الي غرفتها)

داخل غرفة ياسمين :

ساره : حلوه أوضتك يا ياسمين

ياسمين : شكراً

مني : أكيد بتتريقي صح

ياسمين : بتتريق علي آيه أنا اللي مختاره ألوان الأوضه
مريم : إنتي مستحمله نفسك كدا اذاي أنا مش شايغه أي ميكب

ياسمين : أنا مش بحب احط ميكب

منى : اها إنتي منهم بقا

ياسمين : من مين

ساره : قوليلي بقا يا ياسمين إنتي عاوزه تدخلتي كلية آيه

ياسمين : نظم المعلومات الإداريه

يضحكون : إنتي عاوزه تدخلتي نظم المعلومات الإداريه إنتي عبيطه يا بنتي

ياسمين : مالها أنا نفسي أدخلها

ساره : إنتي حتي مش هتقدري عليها

ياسمين : أن شاء الله هقدر

(يضحكون)

ساره : أيوه أيوه وتكبري وتبقي محاسبه قد الدنيا

مريم : تبقي تعالي قبليني ويستمرون في الضحك

ياسمين : (تبكي بشده)

المشهد السادس

الشارع

كريم : أنا ممكن أفهم إنتي هتفضلتي مترديش عليا لحد امتي ياسمين أرجوكي خليكلي واضحه معايا لو فيه حد تاني عرفيني لكن الطريقة و الأسلوب دا أنا مش هقبل بيه..

ياسمين : كريم أنت عاوز أيه

كريم : يعني أيه عاوز أيه هكون عاوز أيه مثلا

ياسمين : يعني أنت مثلا شايفني دلوقتي

كريم : أكيد شايفك يا ياسمين أيه اختفتي مثلا

ياسمين : كريم أفهمني إنتي شايفني دلوقتي يعني شايف حالتني عامله أذاي..مش صعبانه عليك أنا انهاده كنت

عند الدكتور بسبب النزيف اللي ببجيلي دا مش مركزه وديما سهرانه و سرحانه كنت أشطر واحده في زميلي

بقيت أقل حد مش هدخل الحاجه اللي بحبها ومع ذلك كملت بابا وماما أطلقوا من زمان وعائشه لوحدني طول

العمر ومع ذلك كملت خسرت حلمي وحياتي ومع ذلك كملت حبيبتك واتعلقت بيك كنت مستنيه منك تفهمني

كنت مستنيه منك تكون قادر إنك تحتويني كنت عاوزاك تسمعني..

كريم : ياسمين أنا ديما بسمعك أنا مبعملش حاجه غير إني بسمعك

ياسمين : لا يا كريم أنت بتسمع وبتختار الي أنت عاوزه تسمعه إنما الباقي أنت معندكش رد عليه إحنا بنتكلم

فين أيه أنا لازم أمشي عندي معاد دكتور بعد أذنك سلام

المشهد السابع

البيت

محمود : كنتي فين

ياسمين : كنت عند الدكتور

محمود : بتهبيي أيه

ياسمين : كنت بكشف

محمود : بجد كنت فاكرك بتلعبني شطرنج منا عارف كنتي بتكشفي علي أيه

ياسمين : بيجلي نزييف حاد من منخيري ومبقدرش أسيطر عليه

محمود : اها اها وبعدين

ياسمين : بس اداني أدويه أمشي عليها

محمود : وبكام الادويه دي

ياسمين : ب ٣٠٠ جنيه يا بابا

محمود : بابا دا إنتي الي بابا هو أنا هصرف علي أيه ولا أي حرام عليك بقا يا شيخة حرام عليك تعبتيتي

إنتي عارفه أن امتحانات هتبدء بكرة ولا لا

ياسمين : تذهب ل غرفتها أثناء حديثه وتبدء في الصراخ علي المخده وتمتلي المخده ب الدم

المشهد الاخير

ياسمين داخل غرفة الامتحانات

تبدي في الاجابه ولاكن تحاول التركيز والكتابة وأثناء الكتابة تبده في النزيف ويسقط قطرات الدم علي الورق أثناء ما هي تحاول السيطرة علي نفسها قبل فقد الوعي وتسمع ضحكات أولاد عمها وكلام أمها و كلام ابيها

أستاذ صفوت : فاضل ٥ دقائق

تقيق ياسمين علي الورقة غارقاً من دمها

ياسمين : ينهار اسود ينهار أسود

أستاذ صفوت : أيه دا يا ياسمين فيه كدا يا بنتي

ياسمين : معلى حرك عليا ممكن ورقة تأني طيب أنقل فيها الاجابه

أستاذ صفوت : للاسف يا ياسمين الوقت خلص ولازم الورقة

ياسمين : معلى يا مستر ٥ دقائق معلى والله بابا هيمتوني

أستاذ صفوت : حرك عليا أنا مش بأيدي حاجه

ياسمين : تبده في سماع ضحكات وأولاد عمها وكلامهم

مع صوت الأب

مع صوت أمها

مع صوت أستاذ صفوت الوقت خلص

وتبده في تذكر مشهد ضرب الأب محمود ل أمها هاله

وتبده في فقدان الوعي وتدخل في حالة من اللاوعي وتتخيل والدها محمود أمامها

وتبده في التراجع والخوف و العياط حتي تري نور الشمس من النافذه وكأن شئ يناديها

في لحظات أخيره

حاولت كثير أحبك يا بابا حاولت كثير اشوفك سندي وضهري حاولت أحس حنيتك عليا حاولت أحضنك

وتطمني يا بابا دورت عليك في كل الناس لاكن عمري ما لقيتك يمكن لما مكونش موجوده تستريح مني وتبقي

دي النهايه..

(تذهب نحو الشباك تحاول أن تلقي ب نفسها من الشباك وتفقد الوعي قبل الوصول النافذه..)

المشهد الاخير

المستشفى

تفيق ياسمين داخل المستشفى ل تجد صوت والدها ب الخارج

المرمضة ١ : حمدالله علي سلامتک يا حبيبتى

ياسمين: أنا فين

المرمضة : في المستشفى

ياسمين : أیه الي حصل وبابا فين

المرمضة : إلی حصل حصل الحمدلله إنک قومتي بسلامه باباكي موجود برا من أول ما جيتي وقلقان عليكي

جدا وشكله بيحبك أوي

ياسمين : بابايا أنا أكيد.لا ممكن يكون حد تاني أكيد كريم

المرمضة : لا هو قال تقريبا أن اسمه محمود هو مستنيكي تقومي هخرج اطمنه

ياسمين : لا لا أرجوكي بلاش لو عرفت إني معرفتش حل في الامتحان هيضربني معلى بلاش تقويله إني

فوقت عشان خاطري أبوس إيدك أنا بخاف منه أوي

محمود : (يدخل ويسمع كلام ياسمين) متخفيش يا ياسمين

ياسمين : تفزع ياسمين من صوت أبيها)) بابا أنا آسفه أنا مقدرتش أوقف نزيه حقه عليا والله أنا هدخل الكلية

إلي نفسك فيها ومرتعلش مني عشان خاطري.إديني بس فرصه تانيه بس بلاش تضربني وتبتعد عنه

محمود : يحاول الاقتراب منها ويشدها نحوه ل يحضنها

ياسمين : (تصدم ياسمين و تبكي بكاء شديد)

محمود : حقه عليا أنا يا ياسمين أنا آسف أنا لو قضيت إللي باقي من عمري أتأسف ليكي عمري ما كنت

هوفكي حقه متخفيش يا حبيبتى في اللحظة إلي حسيت إنك مش هتكوني فيها بدأت أفوق بدأت أحس إنك

حاجه مقدرش أعيش من غيرها وإن قد أیه إنتي مستحمله كل اللي بعمله بس أنا عاوزك تعرفي حاجه أنا عمري

ما كنت بحب خلفه البنات كنت ديما بشوف أنها خلفه هم وتجييب العار لكن الولد هيبقي راجل يقدر يشيل

مسؤوليه وبيت لكن لقيت إنك بتقدميلي كل إللي معرفتش اخده من أمي كنتي أمي خوفك وقلقك عليا وقت تعبي

أنا آسف يا ياسمين وصدقيني لو ربنا إداني العمر هعيش إللي باقي من عمري أعوضك عن كل اللي حصل

عاوزك تسمحييني يا ياسمين

ياسمين : أنا بحبك أوي يا بابا وتحضنه

..النهايه..